

KURSUS MOULDING DAN CASTING

Kursus moulding dan casting yang dianjurkan oleh Institut Alam Sekitar dan Pembangunan (LESTARI) dengan kerjasama Kumpulan Warisan Geologi Malaysia, Persatuan Geologi Malaysia dan Pusat Penyelidikan Langkawi ini telah berjalan dengan lancar di makmal program Geologi UKM pada 22-27 Julai 2013. Kursus selama 5 hari ini telah disertai oleh 10 peserta yang terdiri daripada penyelidik bidang geologi dan biologi serta pemandu pelancong yang terlibat secara langsung dalam industri pelancongan tabii. Objektif kursus yang bertujuan untuk memperlengkapi individu yang terlibat dalam menyediakan alat bantu mengajar, serta kemudahan pembangunan muzium dan pameran yang berkaitan geologi ini telah tercapai dengan penghasilan beberapa mould batuan dan hidupan yang diletakkan di pusat pameran masing-masing. Kursus yang diberikan oleh pakar taxidermi Tuan Haji Abdullah (bekas pakar taxidermi Jabatan Muzium Negara) ini telah mendedahkan peserta kepada asas moulding dan casting sehingga ke peringkat penyediaan moulding menggunakan pelbagai medium, kesesuaian mengikut tekstur dan bentuk. Teknik moulding untuk batuan, hidupan dan artifk arkeologi diberikan penekanan khusus dalam kursus ini. Program casting pula difokuskan kepada penghasilan sampel dalam jumlah yang banyak menggunakan mould yang disediakan dan keupayaan menduplikasi bentuk dan warna sampel. Peserta telah dibimbing secara hands on terhadap sampel yang dipilih dan juga beberapa sampel yang telah disediakan oleh pengajar. Berdasarkan komen daripada peserta kursus ini dijangka dapat dilakukan lagi pada masa akan datang kerana membantu dalam menyediakan bahan pengajaran dan pameran yang diperlukan.

Tanot Unjah



Mould sampel fosil yang telah kering.



Casting katak menggunakan Plaster of Paris (POP).



Salah seorang peserta dalam proses mewarnakan mould yang telah kering mengikut rupa asal sampel menggunakan oil paint.